

আল-আরাফাহ্ ইসলামী ব্যাংক লিমিটেড
বোর্ড এন্ড শেয়ার ডিভিশন
প্রধান কার্যালয়, ঢাকা

উল্লেখযোগ্য তথ্য এবং মূল্য সংবেদনশীল তথ্য প্রকাশ নীতিমালা
(Principles of Disclosure of Material Information and Price Sensitive Information)

- ক) **ভূমিকা :** আল-আরাফাহ্ ইসলামী ব্যাংক লিমিটেড বাংলাদেশ সিকিউরিটি এন্ড এক্সচেঞ্জ কমিশনে তালিকাভুক্ত কোম্পানী হওয়ায় বিভিন্ন সময়ে কমিশন কর্তৃক ইস্যুকৃত গাইড লাইনসমূহ পরিপালন করে আসছে। এরই ধারাবাহিকতায় বাংলাদেশ সিকিউরিটি এন্ড এক্সচেঞ্জ কমিশন (সুবিধাভোগী ব্যবসা নিষিদ্ধকরণ) বিধিমালা- ২০২২ এর নির্দেশনা মোতাবেক উল্লেখযোগ্য তথ্য((Material Information) এবং মূল্য সংবেদনশীল তথ্য (Price Sensitive Information) প্রকাশ নীতিমালা প্রণয়ন করা হয়েছে।
- খ) **উদ্দেশ্য :** বাংলাদেশ সিকিউরিটি এন্ড এক্সচেঞ্জ কমিশন (সুবিধাভোগী ব্যবসা নিষিদ্ধকরণ) বিধিমালা- ২০২২ এর “তফসিল-ক” বিধি ৩(২) এর উপ-বিধি (১) অনুযায়ী যে সকল তথ্য তালিকাভুক্ত সিকিউরিটি বা ফান্ডের ইউনিটের মূল্য সংবেদনশীলতা রহিয়াছে বা যে সকল তথ্য কোনো যুক্তিসংগত বিনিয়োগকারীর বিনিয়োগ সিদ্ধান্ত গ্রহণের ক্ষেত্রে প্রভাবক হিসেবে বিবেচিত হইতে পারে সে সকল তথ্য ইস্যুয়ার বা ফান্ডের ব্যবস্থাপক বা ট্রাস্টি কর্তৃক মূল্য সংবেদনশীল তথ্য হিসেবে গন্য করা হবে।

উক্ত মূল্য সংবেদনশীল তথ্য ব্যতীত নিম্ন বর্ণিত অন্য সকল তথ্য উল্লেখযোগ্য তথ্য (Material Information) হিসেবে ইস্যুয়ার বা ফান্ডের ব্যবস্থাপক কর্তৃক দাপ্তরিক ওয়েবসাইটে প্রকাশ করা হবে, যথাঃ

১। আর্থিক অবস্থার পরিবর্তন সংক্রান্ত প্রভাবক, যেমন :

- ক) আর্থিক বিবরণীর পরিবর্তন, যেমন- আয়, ব্যয়, নগদ প্রবাহ, প্রাপ্য, দায় বা সম্পদ ইত্যাদির উল্লেখযোগ্য হ্রাস বা বৃদ্ধি ও অধিকাংশ বা উল্লেখযোগ্য সম্পদের পুনর্মূল্যায়ন বা উল্লেখযোগ্য হ্রাস-বৃদ্ধি বিষয়ক কোনো তথ্য বা বিবৃতি বা মন্তব্য।
- খ) আর্থিক বিবরণীর নিম্নোক্ত তুলনামূলক তথ্যাদি :
- (অ) শেয়ার/ ইউনিট প্রতি আয়;
- (আ) শেয়ার/ইউনিট প্রতি নীট পরিচালনাগত নগদ প্রবাহ;
- (ই) শেয়ার/ইউনিট প্রতি নীট সম্পদ মূল্য;

- গ) ইস্যুয়ার অথবা ফান্ডের সম্পদের মূল্য অথবা সম্পদের সংমিশ্রণের উল্লেখযোগ্য পরিবর্তন;
- (ঘ) প্রভিশন সংরক্ষণ সম্পর্কিত সংশ্লিষ্ট ইস্যুয়ারের নিয়ন্ত্রণকারী কর্তৃপক্ষ কর্তৃক কোনো বিশেষ নির্দেশনা বা পূর্বে প্রদত্ত কোনো বিশেষ নির্দেশনার কোন পরিবর্তন; এবং
- (ঙ) ইস্যুয়ার অথবা ফান্ডের একাউন্টিং পলিসির কোনো পরিবর্তন, ইত্যাদি।

২। কর্পোরেট ঘোষণা সংক্রান্ত তথ্যাদি, যেমন :-

- (ক) লভ্যাংশ সংক্রান্ত যে কোনো সিদ্ধান্ত;
- (খ) সিকিউরিটি হোল্ডারগণকে রাইট, বোনাস ইস্যুর ঘোষণা বা ইস্যু করা বা অনুরূপ সুবিধা প্রদানের সিদ্ধান্ত ;
- (গ) বিনিয়োগকারীদের প্রাপ্যতা সম্পর্কিত কর্পোরেট ঘোষণা বা অন্য কোনো তথ্য; এবং
- (ঘ) লভ্যাংশ বিতরণ পলিসি পরিবর্তন, ইত্যাদি।

৩। কর্পোরেট কাঠামো পরিবর্তন সংক্রান্ত তথ্যাদি , যেমন:-

- (ক) বিদ্যমান সম্পদের ৫% বা তাহার বেশি কোনো সম্পদের অধিগ্রহণ বা অবসায়ন;
- (খ) কোম্পানির সহিত অন্য কোম্পানির একীভূতকরণ বা কোনো কোম্পানির উল্লেখযোগ্য শেয়ার অর্জন ও অধিগ্রহণ, ইত্যাদি;
- (গ) কোম্পানির কোনো ইউনিটকে বিভাজিকরণ (Demerger);
- (ঘ) কোম্পানির কোনো ইউনিটের রূপান্তর বা অবসায়ন;
- (ঙ) ক্যাপিটাল রিঅর্গানাইজেশন বা একীভূতকরণ বা বিভাজিকরণের মাধ্যমে কর্পোরেট কার্যক্রমের পরিবর্তন;
- (চ) কোনো কোম্পানির কর্তৃত্ব গ্রহণ (টেক-ওভার) প্রস্তাব বা অভ্যন্তরীণ সেবার অধিগ্রহণ প্রস্তাব;
- (ছ) কোম্পানির নিয়ন্ত্রণে প্রভাব ফেলতে পারে এইরূপ মালিকানার পরিবর্তন; এবং
- (জ) নাম বা ঠিকানা পরিবর্তন, ইত্যাদি।

৪। পুঁজি কাঠামো পরিবর্তন সংক্রান্ত তথ্যাবলি , যেমন :-

- (ক) সিকিউরিটির প্রাইভেট বা পাবলিক বা রাইটস অফার অথবা এর পুঁজি কাঠামোর পরিবর্তন সংক্রান্ত কোনো সিদ্ধান্ত;
- (খ) সিকিউরিটি বা ফান্ডের ইউনিট পরিকল্পিতভাবে পুনঃক্রয় বা রিডেমপশন;
- (গ) যে কোনো শেয়ার কনসোলিডেশন, শেয়ার বিনিময়, কোনো সিকিউরিটিকে ইকুইটি সিকিউরিটিতে রূপান্তর অথবা ঋণপত্রকে শেয়ারে রূপান্তর সংক্রান্ত সিদ্ধান্ত; এবং
- (ঘ) সিকিউরিটি হোল্ডারদের অধিকার সংক্রান্ত উল্লেখযোগ্য পরিবর্তন, ইত্যাদি।

৫। ব্যবসা কার্যক্রমের সম্প্রসারণ, পরিবর্তন ইত্যাদি সংক্রান্ত তথ্যাদি, যেমন :-

- (ক) কোম্পানির প্রযুক্তি, উৎপাদন বা স্থাপনা সম্পর্কিত উল্লেখযোগ্য কোনো উন্নয়ন বা পরিবর্তন; if more than 5%
- (খ) উল্লেখযোগ্য পুঁজি বিনিয়োগ অথবা প্রতিষ্ঠানের উদ্দেশ্যের উল্লেখযোগ্য পরিবর্তন;
- (গ) উল্লেখযোগ্য নতুন চুক্তি, উৎপাদন, প্যাটেন্ট, সেবা অথবা ব্যবসায়িক পরিবর্তন;
- (ঘ) দীর্ঘমেয়াদী অনাদায়ী তহবিলের উল্লেখযোগ্য আদায়;
- (ঙ) প্রধান নির্বাহী, সিইও, সিএফও, কোম্পানি সচিবসহ পরিচালনা পর্ষদ এর পরিবর্তন বা পদত্যাগ বা পদচ্যুতি;
- (চ) বিধিবদ্ধ নিরীক্ষক বা কর্পোরেট গভর্নেন্স কমপ্লায়েন্স অডিটর, ক্রেডিট রেটিং, কোম্পানির পরিবর্তন;
- (ছ) লিগ্যাল প্রসেডিংস শুরুকরণ বা রেগুলেটরী বিষয়াদির উন্নয়ন অথবা কোনো উল্লেখযোগ্য রায় বা আদেশ;
- (জ) স্টক এক্সচেঞ্জ হইতে সিকিউরিটি বা ফান্ডের ইউনিটের তালিকাচ্যুতি বা এক ক্যাটাগরি হতে অন্য ক্যাটাগরিতে পরিবর্তন;
- (ঝ) উল্লেখযোগ্য ম্যানেজমেন্ট কন্ট্রাক্ট, ইনভেস্টরস রিলেশন এগ্রিমেন্ট, সার্ভিস এগ্রিমেন্ট, অথবা রিলেটেড পার্টি ট্রানজেকশন যাহা আর্থিক বিবরণীকে উল্লেখযোগ্যভাবে প্রভাবিত করিতে পারে এইরূপ কোনো চুক্তি;
- (ঞ) কোনো স্থায়ী সম্পত্তি ক্রয় বিক্রয়ের সিদ্ধান্ত বা প্লান্ট বা মেশিনারীর সংস্কার বা উন্নয়ন বা সম্প্রসারণ (BMRE) বা নতুন ইউনিট স্থাপন সংক্রান্ত তথ্য; এবং
- (ট) আন্তঃকোম্পানি বা সাবসিডিয়ারী বা সহযোগী প্রতিষ্ঠানের মধ্যে উল্লেখযোগ্য অগ্রিম বা ঋণ প্রদান বা গ্রহণ বা পরিচালকের সাথে ঋণ আদান-প্রদান ইত্যাদি।

৬। ঋণ ব্যবস্থাপনা সম্পর্কিত তথ্যাদি, যেমন :-

- (ক) পরিশোধিত মূলধন বা নীট সম্পদ মূল্যের মধ্যে যাহা অধিক তাহার ২৫% বা তাহার বেশি পরিমাণ ঋণ গ্রহণ ও পরিশোধ;
- (খ) উল্লেখযোগ্য সম্পদ দায়বদ্ধকরণ অথবা দায়মুক্তকরণ;
- (গ) কোনো ব্যাংক বা পাওনাদার বা ঋণপত্রের দায় বা দেনা পরিশোধে ০৬ (ছয়) মাসের অধিক সময়ের ব্যর্থতা;
- (ঘ) উল্লেখযোগ্য নতুন ঋণ চুক্তি; এবং
- (ঙ) বৈদেশিক ঋণ চুক্তি বা বিনিয়োগ চুক্তি, ইত্যাদি।

৭। ফান্ড ব্যবস্থাপনা ও কাঠামো পরিবর্তন সম্পর্কিত তথ্যাদি, যেমন :-

- (ক) ফান্ডের মেয়াদ বর্ধন-কর্তন;
- (খ) ফান্ডের অবসায়ন;

- (গ) ফান্ডের রূপান্তর;
- (ঘ) কোনো একক সিকিউরিটিতে ফান্ডের ১০% বা তাহার বেশি বিনিয়োগ;
- (ঙ) কোনো উল্লেখযোগ্য বিনিয়োগ নগদায়নে লাভ বা ক্ষতি; এবং
- (চ) ফান্ডের ট্রাস্টির গঠন, ট্রাস্ট দলিলের কোনো পরিবর্তন, ইত্যাদি।

৮। অন্যান্য, যেমন :-

- (ক) কোনো গুরুত্বপূর্ণ চুক্তি স্বাক্ষর বা পূর্বে ঘোষিত/স্বাক্ষরিত চুক্তি বাতিল বা উল্লেখযোগ্য সংশোধন;
- (খ) কোম্পানি বা ইস্যুয়ারের উল্লেখযোগ্য কোনো সম্পদের ক্ষতি বা উহার ভাবমূর্তি ক্ষুণ্ণকারী কোনো ঘটনা;
- (গ) পূর্বে ঘোষিত কোনো প্রকল্প বাতিল বা উহার উল্লেখযোগ্য সংশোধন; এবং
- (ঘ) ইস্যুয়ার বা ফান্ডের অডিটর কর্তৃক কোয়ালিফাইড প্রতিবেদন দাখিল, ইত্যাদি।

গ) মূল্য সংবেদনশীল এবং উপাদান তথ্য প্রকাশ করার নির্দেশিকা :

বাংলাদেশ সিকিউরিটিজ এবং এক্সচেঞ্জ কমিশন কর্তৃক জারিকৃত (অভ্যন্তরীণ লেনদেনের নিষেধাজ্ঞা) প্রবিধান, ২০২২ এর প্রবিধান ৩ (৩-৬), ৪-৬ এবং “তফসিল-ক” এর আলোকে প্রবিধানের সাথে সম্মতি প্রকাশ করে তথ্য প্রকাশ করা হবে।

ঘ) ওয়েবসাইটে প্রকাশ:

আল-আরাফাহ্ ইসলামী ব্যাংক লিমিটেড এর পর্ষদ কর্তৃক বাংলাদেশ সিকিউরিটি এন্ড এক্সচেঞ্জ কমিশন (সুবিধাভোগী ব্যবসা নিষিদ্ধকরণ) বিধিমালা-২০২২ সময়ে সময়ে প্রয়োজনীয় সংশোধন বা পরিমার্জন করতঃ প্রকাশ করা হবে।

ঙ) সংশোধন বা পর্যালোচনা:

এই নীতিগুলি পরিচালনা পর্ষদ দ্বারা পর্যালোচনা করা হবে এবং যখন প্রয়োজন হবে তখন এর প্রবিধান অথবা প্রযোজ্য আইনে পরবর্তী সংশোধন বা পরিবর্তনে এই নীতিগুলি স্বয়ংক্রিয়ভাবে প্রযোজ্য হবে।